

## U CIUCCIU POETA

‘Nu ciùcciu ch’era amicu di ‘nu mulu,  
si misi pemmu faci poisia,  
penzandu ca pe’ st’arti abbastanza sulu  
la rima pemmu fannu <<mia>> cu <<ttia>> .

L’amicu nommu fa brutta figura  
Nc’issi ca sulu chidu n’abbastava,  
mma lu ciùcciu , pur’idhu testa dura,  
sempi la stessa strata secutàva...

‘Nu jornu cumponiù ‘na tiritèra  
Fatta di muzza cuzza , vràzza e ‘mbrazza,  
e , mu sannu li bbèstiji com’era ,  
la ‘mpicciàu ‘ntra lu muru di la chiazza.

E, ‘ntantu , mu si faci propaganda  
Lu spropalava di ‘nu puntu a ‘nn’atru,  
parìa lu gran maestru di la bbanda,  
lu rre di li nimàli ‘ntra lu quattru.

Cusì li cogghiu tutti ‘ntornu ‘ntornu ,  
nc’era cu’ irgìa la cuda e ssi grattava,  
di ‘ntra l’erba spuntàu ‘nu papatòrnu,  
e , mmu lèji , a lu muru ‘mpericàva...

Lu lefànti , sbattendo la nascazza :  
-- Amici , puru jeu ch mm indi ‘ntendu,  
Vi dicu ch’eni pròpriu na cosazza ,  
‘nu ‘ngegnu ammenzu a nnui staci criscendu ! –

Lu mulu , chi ssi vitti ‘n minoranza ,  
nommu perdi l’amicu chi ndavia ,  
a lu ‘mbastu striungìu lu sottapanza  
e la chiamàu pur’idhu poesia ...

Lu mundu , puru ammenzu a li nimàli ,  
è fattu di minzògni e llava facci,  
eni comu lu nostru , tali e qquali ,  
no ssai d’undi mu nesci o mu ti càcci ! ...

*Francesco Laruffa*

*[www.associazionelaruffa.org](http://www.associazionelaruffa.org)*